



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 4. Quomodo differat contritio propriè dicta ab attritione.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

D V B I V M. I V.

Quomodo differat Contritio propriè dicta ab Attritione?

¹⁰
Divisio
Contritio-
nis, in per-
ficiam &
imperfe-
ctam.

^{11.}
II.
Contritio
perfecta.

Contritio-
nis impe-
fectæ, ea
Attritionis
species,
ex parte ra-
tionis do-
cendi.

Septima
species ex
parte pro-
positi.

^{12.}

Differentia
inter Attri-
tionem &
Contritio-
nem.

N Otandum Primo: Contritionem generatim acceptam, de qua hactenus diuidi in duas species; in Contritionem propriè dictam, & Attritionem. Colligitur ex Concilio Trident. sess. 14. cap. 4. vbi ait Attritionem esse imperfectam contritionem. Et quamus, si recte loquendo, solus ille dolor, qui est de peccato, ut est offendit Dei, procedens ex imperfecta dilectione, dicatur imperfecta contritio, eò quod circa idem obiectum formaliter veretur, tamen generatim omnis Attrito vocatur à Concilio. Contritio imperfecta.

Notandum Secundo: Contritionem propriè dictam, quæ & perfecta dicitur, esse dolorem de peccato, ut est offendit Dei, tanquam de summo malo, cum proposito emendationis non peccandi de cetero: ut communiter Doctores docent. Vnde sequitur tot esse species Attritionis, quot modis contingit desicere ab hac perfectione. Prima ergo Species sit, quæ quis dolet de peccato, & proponit abstinere propter turpitudinem peccati: idque dupliciter; vel quatenus peccatum est contra dictam nudæ rationis naturalis, vel contra dictam rationis fidei illustratæ. Tertia, quando propter timorem gehennæ. Quarta, quando ob amissionem bonorum spiritualium; ut bonorum operum, gratie Diuinæ, & vita æternæ. Quinta, quando dolet quis de peccatis propter Deum dilectum amore naturali, id est, quatenus est auctor bonorum naturalium. Sexta, quando dolet propter offendit Dei ex affectu supernaturali, sed non tanquam de summo malo; imò fortassis magis doleret de iactura bonorum temporalium vel fame, et si hanc comparisonem non faciat. In his sex speciebus suppono adesse propositum absolutum emendationis, seu non peccandi in posterum; easq; dumtaxat desicere à perfectione Contritionis ex parte rationis dolendi, quia videlicet non dolent propter Deum ex affectu supernaturali, vel certè non supra quodvis aliud malū.

His addi potest Septima species ex parte propositi; quando homo dolet propter Deum, sed non habet absolutum propositum abstinenti in posterum; verum tantummodo velletatem quandam: qualis est plerumque usuriariorum, meretricum, attritio, & eorum qui penitus sunt immixti peccatis. Vrûm autem solis naturæ viribus possit haber absolute propositum abstinenti in futurum, est alterius loci. Nunc supponamus id else possibile, quamus sit admodum difficile.

Ex his facile est colligere, quomodo Contritio propriè dicta & Attritio differant. Differunt enim Primo: quod Contritio procedat ex dilectione Dei super omnia; Attritio autem non procedat ex tam perfecto affectu benevolentiae erga Deum; sed vel ex affectu inferiore erga Deum, vel ex amore propriæ salutis, vel pulchritudinis virtutis. Secundo: Gontritio dolet de peccato tanquam de summo malo, ac proinde summe dolet, nempe appetituè: Attritio vero non sic apprehendit peccatum, tanquam summum malum. Tertiò: Contritio dolet de peccato, quia est offendit Dei, id est, quia offendit eum, quem lumen amare

& honorare debebat: Attritio autem non respicit semper hanc rationem formalem; sed plerumque ob alias causas dolet. Et quamvis sit quedam Attritio, quæ etiæ ob hanc causam dolet, scilicet sexta species; non tamen ita perfectè dolet, sicut debet, de summo malo.

Ex his vltius pater, Attritionem nunquam posse fieri Contritione, cum obiecto formaliter differant, vel latenter modo in illud tendendi.

D V B I V M. V.

Vrûm omnes ha Attritiones sufficient, saltē cum Sacramento, ad iustificationem?

R Esondo & Dico Primo: Certum est eam atritionem, que concipitur per auxiliū speciale ex consideratione turpitudinis peccati, vel metu gehennæ (& idem dico, si ex ammissione bonorum spiritualium) cum spe venie, si voluntatem peccandi excludat, sufficere cum Sacramento Pœnitentie.

Probatur Primo: quia hoc docet Concilium Trid. sess. 14. cap. 4. Vbi de hac attritione sic ait:

Quamvis sine Sacramento Pœnitentia per se ad iustificationem perducere peccatorum nequeat, tamen eum ad Dei gratiam in Sacramento Pœnitentia, impetrandum disponit: (nempe ad gratiam iustificationis, non ad contritionem, de illa enim aperte loquitur Concilium: hæc autem in ipso Sacramento impetratur, id est, per ipsum Sacramentum, ac proinde ex opere operato. Idem docent passim Doctores dicit: 18. qui dicunt, Per Sacramentum pœnitentia ex attritione fieri Scholasticontritum. Ita D. Thomas suprà qu. 86. ar. 6. & in 4. dist. 18. q. 1. ar. 3. & ibidem Scorus, Durandus, Paludanus, & alij, preter paucos, qui concontrarium sentire videntur, ut Bonaventura, Richardus, Gabriel, & Alexander. Sed haec res post Concilium non potest esse dubia.

Probatur Secundò, Ratione: Primo, quia in lege naturæ, & veteri, sine Sacramento Contritio semper fuit sufficiens ad remissionem peccatorum: ergo in lege Euangelica, quando habemus Sacra menta quæ ex se sunt efficacia ad remissionem peccatorum, sufficiet Attritio. Secundò: quia aliqui per Sacramentum nunquam absolu eremur à culpa; sed solum declararemur esse absoluti, antecedente contritione; quod est errorem: nam sic in Ecclesia nō est vere potest remittendi peccata; sed solum declarandi esse remissa. Tertiò: quia aliqui remissio peccati non est facilius nre, quam olim: quod est contra gratiam noui testamenti.

Dico Secundò: sufficit etiam ea attritio, que ex amore Dei, ut auctoris naturæ, per auxiliū speciale concipitur: ut dum quis dolet, quod offendit Deum, à quo tot beneficia humana & naturalia accepit, opes, honores, sanitatem, liberos, longam vitam, &c. Ratio est: quia haec attritio magis accedit ad amicitiam Dei, quam illa superior, quæ ob metum gehennæ, vel turpitudinem peccatorum concipitur.

Dico Tertiò: Sex species atritionis etiam sufficiens est cum Sacramento. Probatur, Quia est omnium atritionum optima & perfectissima, proxime accedens ad contritionem. Nam est ex affectu charitatis, sicut contritio, & est coniuncta cum absoluto & effaci propposito emendationis. Solum autem differt à contritione, quod contritio dolet de peccato, vt offendit Deum ut auctorem bonorum supernaturalium; tanquam de summo malo; adeò, vt si in particulari facret comparatio.